

Hótel Vík: 8.sept. 1983

FRÉTTATILKYNNING:

Ráðstefna Samtaka um kvennalista var haldin að Búðum 2.-4. sept. 1983. Ráðstefnuna söttu um 100 konur á aldrinum 17 til 74 ára og viðs vegar að af landinu.

A ráðstefnunni voru flutt mörg fróðleg erindi, m.a. erindi Kristínar Ástgeirsdóttur um kvennabaráttu á Íslandi annars staðar í Evrópu og í Bandaríkjum sl. 15 ár.

Erindi Sigríðar Dúnu Kristmundsdóttur um kvennamannfræði og erindi Þórunnar Friðriksdóttur um kynmótun.

Að loknum erindunum voru hópumræður og niðurstöður hópanna ræddar.

Fulltrúar Íslands í friðargöngu kvenna frá New York til Washington þær Guðrún Agnarsdóttir og María Jóhanna Lárusdóttir skýrdu frá göngunni og Kvennaleikhúsið skemmti.

Seinni dag ráðstefnunnar voru umræður um starf hreyfingarinnar og komandi þingstarf. Tiltekin voru fjölmörg verkefni sem á þyrfti að taka. Kom m.a. fram að brýnt væri að leggja áherslu á eftirfarandi atriði í málum kvenna:

1. Að húsmóðurstarfið verði metið sem önnur störf í þjóðfélaginu t.d. með tilliti til trygginga og sem starfsreynsla á almennum vinnumarkaði.

2. Breytt forgangsröðun verkefna, þannig að hætt verði að vanrækja kvennamál.

3. Opnari umræða um stöðu kvenna á Íslandi m.a. í skólum, fjölmiðlum og í launþegasamtökum.

Einnig voru húsnæðismál rædd og var lýst stuðningi við kröfur Áhugamanna um húsnæðismál.

Jafnframt var bent á að æskilegt væri að fólk gæti valið um fleiri leiðir í húsnæðismálum en þá að hver fjölskylda verji bestu árum ævinnar í að koma sér upp eigið húsnæði.

Þess vegna bæri að leggja áherslu á byggingu íbúða á vegum félagasamtaka og byggingu langtímaleiguíbúða.